

## SUL CYFFREDIN 26

HABACUC 1:1-4; 2:1-4; SALM 119:137-144;  
2 THESSALONIAID 1:1-4, 11-12; LUC 19:1-10

---

---

### ● Gweddi agoriadol

Dad, Mab ac Ysbryd Glân,  
bendithia ni wrth gyfarfod,  
ein siarad a'n gwrando,  
ein rhannu a'n haddoli,  
ein rhoi a'n derbyn,  
ein mynd a'n dod.

### ● Moliant

Dduw Waredwr,  
daethost i'r byd  
nid yn arweinydd pobl,  
ond yn was a chyfaill.  
Daethost i'r byd  
nid i chwilio am y da  
ond i gasglu'r rhai ar goll.  
Daethost i'r byd  
yn iachäwr cyrff  
a gwardwr eneidiau.  
Daethost i'r byd  
yn Dywysog Tangnefedd  
a châr i bawb.  
Daethost i'r byd  
er mwyn pobl fel ni.

● **Cyffes**

Pan alwn ar dy enw  
ar adegau anodd  
neu anobaith  
a methu clywed dy lais  
neu weld yr ateb a ddymunwn,  
maddau ein diffyg amynedd.

Pan weddiwn am iachâd,  
rhyddid o ofn  
neu ddianc o afael drygioni,  
a blino ar y dasg o  
barhau mewn gweddi,  
maddau ein diffyg ffydd.

Nid dy ffyrdd di yw ein ffyrdd ni,  
ond ym mhopeth ti sydd Dduw;  
bydd dy gariad a'th gyfiawnder  
wastad yn sefyll.  
Yn dy amser ac yn dy ffordd  
byddi yn ateb ein gweddïau.

● **Diolch**

Am dy holl weision  
a aeth o'n blaenau  
a, thrwy eu hesiampl,  
a'n dygodd at dy orsedd,  
cyflwynwn ein diolch cywir.

Am bawb, drwy  
ddyddiau a nosweithiau tywyll,  
a ddaliodd at eu ffydd  
yn wyneb y gelyn enbytaf,  
cyflwynwn ein diolch cywir.

Am dy holl blant  
ddaeth ynghyd yma heddiw,  
sydd yn eu gwasanaeth  
yn dangos dy gariad yn y byd,  
cyflwynwn ein diolch cywir.